



Nuuk, 14. april 2015

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqut imaattoq saqqummiuppara:

Naalackersuisunut apeqqut:

- 1. Qeqertarsuup Tunuani illoqarfinnut nunaqarfinnullu mittarfeqanngitsunut helikopterit ilaasunik usinillu angallassisut qassiuppat?**
- 2. Helikopteri Bell 212 silarlulaatumi taartumilu angallassisinnaannginneranut suna patsisaava? Atortorissaarutinik amigaateqanngikkaluarpa immaqaluunniit atortorissaarutinik amigaateqarpa?**
- 3. Qeqertarsuup Tunuani angalaniarneq eqqarsaatigalugu arlaatigut sipaarniarfigineqarpat? Aappiuppat sutigut?**
- 4. Qeqertarsuup Tunuani angallassinianeq kipiluttunaqisoq akisoqisorlu Naalackersuisunit pitsaanerusumik akikinnerusumillu aaqqissuussiffigineqarnissaa pilersaarutigineqarpaa?**
- 5. Illoqarfinni nunaqarfinnilu sinerissap sinnerani helikopterimik angallassinermut akit qanoq naatsorsorneqartarpat?**

(Inatsisartunut Ilaasortaq Anthon Frederiksen, Partii Naleraq)

Tunngavilersuut:

Qeqertarsuup tunuani angallannermut apeqquteqaateqarninni tunngavigaara ilisimagatsigu aammalu Qeqertarsuup Tunuani innuttaasunit attavigineqartaratta angallannerup eqarnerujussuanik, ilaatigut helikopterip Bell 212-ip (Qeqertarsuup Tunuani illoqarfinni nunaqarfinnilu mittarfeqanngitsuni

angallassissutigineqartartoq) silarlulaartumi, taartumi “teknikkertoqartillugu”
angalasinnaannginnera ilaasunut ilaasussanullu kingunerlutitsisarmat.

Ilisimavarput helikopter-i Bell 212-i angallassiniarluni unikkaangat ilaatigut ullut arlerlugit
kinguaattoornermik kinguneqartartoq, tamannalu ilaatigut ullut 14-it angullugit kinguaattoornermik
kinguneqartarpoq ilaasunut ilaasussanullu sunniuteqapiluttartumik, pissutsit taamaattut
akuersaarneqarsinnaanngilluinnarput.

Tassami angalaniartut qularnanngitsumik suliffillit ilinniartut allatigullu pisassaqartut
eqqorneqartarput.

Qeqertarsuup Tunuani ukiakkut, ukiukkut upernaakkullu umiatsianik angalasarneq ilaatigut
sillimaniarneq eqqarsaatigalugu tamatigut pitsaanerpaajusanngimmat, taamaammat silaannakkut
angalanissaq pisariaqarluinnarpoq avaqqukkuminaallunilu.

Aamma qulimiguulimmik angallassineq nunatta sinnerani akitigut qanoq
naatsorsuiffigineqartarnersoq qulaajaaffigissallugu soqutigaarput.

Suliffiit ullut qulit qaangiutinnginneranni akineqarnissara kissaatigaara.